



AHNT

Agencija za nadzor nad tržištem BiH
Агенција за надзор над тржиштем БиХ
Market Surveillance Agency of B&H



BILTEN

O NESIGURNIM PROIZVODIMA
NA TRŽIŠTU
BOSNE I HERCEGOVINE



SADRŽAJ

Predgovor	3
Proaktivni nadzor nad tržištem u 2025. godini	4
Držači za cucle	5
Dječija kolica (za djecu od 0 do 22kg)	6
Ručne električne vibracione brusilice	7
Električni blenderi za hranu	8
Električni mikseri za hranu	9
Električni štapni blenderi za hranu	10
Produžni kablovi za upotrebu u domaćinstvu	11
Obrazac za prigovor potrošača	12
Rezultati nadzora nad tržištem u 2025. godini	13
Proizvodi s ozbiljnim rizikom za potrošače	15

IMPRESUM

Osnivač i izdavač

Agencija za nadzor nad tržištem
Bosne i Hercegovine

Za izdavača

Direktor

Pejo Đurašinović, dipl.ing.tehn.

Glavni i odgovorni urednik

Mladen Batković, dipl. ing. maš.

Članovi redakcije

mr.sc. Samir Bekto, dipl. ing. maš.

Miće Drljo, Mr. dipl. ing. maš.

Lidija Lovrić, dipl. ing. hem.

Danka Krajišnik, prof. eng. jezika

Gordana Krsmanović Kusmuk, dipl. oec., LL.M.
Eur. Int.

Edin Ćerimagić, dipl. ing. građ.

Dizajn

Agencija za nadzor nad tržištem
Bosne i Hercegovine

Tiraž

100 primjeraka

Bilten je moguće preuzeti u elektronskom obliku
na internet stranici Agencije

www.annt.gov.ba

Bilten izlazi jednom godišnje

Prilikom preuzimanja podataka iz ovog izdanja,
obavezno navedite izvor!

Nadzor nad tržištem nije cilj sam po sebi – on je mehanizam kojim se osigurava da proizvodi dostupni potrošačima ispunjavaju propisane sigurnosne zahtjeve u cilju osiguranja visokog nivoa zaštite zdravlja i sigurnosti ljudi, životinja, biljaka, imovine i životne okoline.

Upravo zato nadzor nad tržištem nije samo zakonska obaveza, već ključni instrument zaštite potrošača. Bez pravovremenog otkrivanja i uklanjanja nesigurnih proizvoda sa tržišta, kao i bez jasnog i transparentnog objavljivanja informacija o tome, propisi ostaju samo zahtjevi, a potrošači ostaju izloženi rizicima.

Vođena ovim principom, Agencija za nadzor nad tržištem Bosne i Hercegovine svake godine objavljuje Bilten o nesigurnim proizvodima. Bilten predstavlja važan instrument informisanja potrošača i cjelokupne javnosti o rizicima prisutnim kod proizvoda na tržištu ali i konkretan doprinos jačanju zaštite potrošača u Bosni i Hercegovini. Kontinuiranim objavljivanjem podataka o proizvodima, koji ne ispunjavaju propisane sigurnosne zahtjeve, Agencija je izgradila praksu transparentnog djelovanja i time doprinijela razvoju svijesti o sigurnosti proizvoda.

Iskustva nadzora iz prethodnih godina ukazuju na određene obrasce: najčešće grupe nesigurnih proizvoda, njihovo porijeklo, kao i tipične nepravilnosti koje se kontinuirano javljaju kod pojedinih proizvoda. Dugogodišnje praćenje ovih trendova omogućilo je unapređenje planiranja aktivnosti nadzora, razvoj metodologije procjene rizika i jačanje saradnje sa entitetskim i drugim nadležnim organima. Na taj način uspostavljen je stabilan okvir koji osigurava kontinuitet i dosljednost u postupanju, ali i pouzdanu osnovu za pravovremeno informisanje javnosti.

Rezultati nadzora predstavljeni u ovom izdanju Biltena pokazuju da su na tržištu prisutni proizvodi koji ne ispunjavaju propisane sigurnosne zahtjeve – usljed neodgovarajućeg označavanja, hemijskih rizika ili drugih oblika neusklađenosti. Ovaj Bilten nije samo pregled rezultata nadzora, već i poziv na zajedničku odgovornost svih aktera u lancu snabdijevanja. Proizvođači, uvoznici i distributeri imaju obavezu da na tržište stavljaju samo sigurne i usklađene proizvode, dok potrošači imaju pravo na tačne i pravovremene informacije i sigurne proizvode. Uloga Agencije je da, u okviru svojih nadležnosti, osigura da se ova ravnoteža održava kroz nadzor i javno objavljivanje podataka o utvrđenim rizicima i opasnim proizvodima.

Za tržište Bosne i Hercegovine to znači stalnu potrebu za jačanjem institucionalnih kapaciteta, unapređenjem tehničke opremljenosti i daljim razvojem mehanizama saradnje između nadležnih organa. Objavljivanjem podataka o nesigurnim proizvodima, Agencija potvrđuje svoju posvećenost principima transparentnosti, prevencije i zaštite javnog interesa.

Posebno smo ponosni što ovogodišnje izdanje Biltena objavljujemo u jubilarnoj godini, obilježavajući dvije decenije rada Agencije. O našoj posvećenosti na izgradnji sigurnijeg i uređenijeg tržišta u Bosni i Hercegovini najbolje govore postignuti rezultati. U prethodnih 20 godina, u okviru aktivnosti proaktivnog nadzora nad tržištem realizovana je 3441 inspekcijska kontrola, u okviru kojih su administrativno, vizuelno i laboratorijski kontrolisana 3064 različita modela proizvoda, a u 234 slučaja reaktivnog nadzora nad tržištem je utvrđeno da se neusklađeni predmetni proizvodi nalaze na tržištu Bosne i Hercegovine. Kao rezultat navedenih aktivnosti, sa tržišta je povučeno 176395 komada proizvoda od čega je 93789 komada uništeno, a za čak 823762 komada proizvoda je izvršeno usklađivanje sa propisanim sigurnosnim zahtjevima.

Nastavkom dugogodišnje prakse redovnog informisanja, ovaj Bilten doprinosi jačanju povjerenja u sistem nadzora nad tržištem i jasno poručuje: bez efikasnog nadzora nema stvarne zaštite potrošača, a bez transparentnog informisanja nema sigurnog tržišta.

Informisan potrošač je zaštićen potrošač.

PROAKTIVNI NADZOR NAD TRŽIŠTEM U 2025. GODINI

Kako bi se utvrdilo da li određene grupe proizvoda, koje se stavljaju na tržište Bosne i Hercegovine, ispunjavaju sigurnosne zahtjeve iz propisa koji su na snazi u Bosni i Hercegovini, Agencija za nadzor nad tržištem Bosne i Hercegovine je u saradnji sa inspektoratima entiteta i Brčko distrikta Bosne i Hercegovine, u 2025. godini realizovala proaktivni nadzor 16 grupa neprehrambenih potrošačkih proizvoda, od kojih je 15 realizovano u skladu sa Godišnjim planom nadzora nad tržištem za 2025. godinu, a jedna grupa proizvoda je kontrolisana u okviru CEFTA zajedničke akcije.

Grupa proizvoda	Pravni osnov
1. Igračke pištolji s mecima 2. Laserski proizvodi 3. Držači za cucle 4. Dječija kolica (za djecu od 0 do 22 kg)	Zakon o općoj sigurnosti proizvoda („Službeni glasnik BiH”, broj 102/09)
5. Igračke (ftalati)	Odluka o ograničavanju stavljanja na tržište igračaka i proizvoda za djecu koji sadrže ftalate („Službeni glasnik BiH”, broj 04/10)
6. Zaštitna / sigurnosna obuća 7. Zaštitne rukavice za mehaničke rizike	Naredba o ličnoj zaštitnoj opremi („Službeni glasnik BiH”, broj 75/10)
8. Električni blenderi za hranu 9. Električni mikseri za hranu 10. Električni štapni blenderi za hranu 11. Produžni kablovi za upotrebu u domaćinstvu 12. Svjetlosni lanci 13. CEFTA zajednička akcija - električni proizvodi	Naredba o električnoj opremi namijenjenoj za upotrebu unutar određenih naponskih granica („Službeni glasnik BiH”, broj 98/09)
14. Ručne električne vibracione brusilice	Naredba o sigurnosti mašina („Službeni glasnik BiH”, broj 04/10)
15. Elastične trake za hidroizolaciju 16. Termoizolacioni proizvodi za zgrade	Zakon o građevinskim proizvodima u FBiH („Službene novine FBiH”, broj 78/09) Zakon o građevinskim proizvodima u RS („Službeni glasnik RS”, broj 5/12)

SAVJETI PRILIKOM KUPOVINE

Prilikom kupovine držača za cucle savjetujemo potrošače da obrate pažnju na sljedeće:

➤ **Da li se na proizvodu nalaze obavezne oznake / informacije?**

Sljedeće informacije za potrošače moraju biti vidljive, s vanjske strane pakovanja, na mjestu prodaje:

- naziv ili trgovačka marka ili drugi načini za identifikaciju proizvoda, adresa proizvođača, distributera ili trgovca na malo,
- oznaka standarda BAS EN 12586+A1:2012,
- uputstva za upotrebu (ukoliko se uputstva za upotrebu nalaze na letku smještenom unutar pakovanja, to treba da bude jasno navedeno).

➤ **Da li je uputstvo za upotrebu priloženo uz proizvod?**

Uputstvo za upotrebu mora biti priloženo uz držač za cuclu i mora biti napisano na jednom od službenih jezika u Bosni i Hercegovini.

U uputstvu moraju biti navedena sljedeća upozorenja:

Za sigurnost vašeg djeteta! UPOZORENJE!

- Prije svake upotrebe pažljivo provjerite. Prestanite koristiti proizvod prilikom pojave prvih znakova oštećenja;
- Nikad nemojte produžavati držač za cucle;
- Nikad nemojte pričvršćavati držač za cucle na uzice, vrpce, vezice ili labave dijelove odjeće. Dijete se može ugušiti.

Uputstvo mora sadržavati i sljedeće informacije:

- informacije o sigurnoj upotrebi proizvoda,
- preporuku da se držač za cucle može jedino pričvrstiti na odjeću,
- preporuku da se držač za cucle ne bi trebao koristiti kada se dijete nalazi u krevetu, kolijevci ili na krevetu,
- odgovarajuće metode za čišćenje,
- načini čišćenja, čuvanja i upotrebe koji nisu odgovarajući.



➤ **Da li proizvod ima vidljivih sigurnosnih nedostataka (neusklađenosti)?**

Prilikom kupovine držača za cucle možete provjeriti sljedeće:

- dostupni rubovi, vrhovi i izbočine na držaču za cucle trebaju biti zaobljeni i bez neravnina i oštih dijelova,
- na držaču za cucle trebaju biti najmanje dva ventilacijska otvora prečnika najmanje 4 mm ili jedan otvor prečnika najmanje 12 mm,
- na držaču za cucle ne smije biti samoljepljivih naljepnica,
- maksimalna dužina držača za cucle treba biti 220 mm,
- minimalna širina trake na držaču za cucle treba biti 6 mm,
- na držaču za cucle treba se nalaziti najmanje jedan trajni pričvršćivač koji je povezan sa trakom držača za cucle.

Držači za cucle se općenito sastoje od trake s držačem na jednom kraju koji drži cuclu, dok drugi kraj ima kopču koja se pričvršćuje na dječiju odjeću. Standard BAS EN 12586+A1:2012 propisuje sigurnosne zahtjeve koji se odnose na materijale, konstrukciju, izvedbu, pakovanje i označavanje.

Ukoliko potrošači primijete da držač za cuclu koji su kupili ima sigurnosne nedostatke i neusklađenosti u odnosu na gore navedene informacije, treba da se obrate Agenciji za nadzor nad tržištem Bosne i Hercegovine.

DJEČIJA KOLICA (ZA DJECU TEŽINE 0-22 KG)

SAVJETI PRILIKOM KUPOVINE

Za dječija kolica za djecu težine do 15 kg primjenjuje se standard BAS EN 1888-1+A1:2023 koji propisuje sigurnosne zahtjeve i ispitne metode. Za dječija kolica za djecu težine od 15 do 22 kg primjenjuje se standard BAS EN 1888-2+A1:2024, koji se mora primijeniti zajedno sa standardom BAS EN 1888-1+A1:2023.

Prilikom kupovine dječijih kolica savjetujemo potrošače da obrate pažnju na sljedeće:

➤ Da li se na proizvodu nalaze obavezne oznake / informacije?

Na dječijim kolicima moraju biti označene trajno i čitko sljedeće informacije i upozorenja:

- naziv ili trgovačka marka proizvođača ili uvoznika ili trgovca,
- identifikacija modela dječijih kolica (ako se kolica prodaju u odvojenim dijelovima svaki dio treba biti označen posebno),
- „UPOZORENJE - Nikad ne ostavljate dijete bez nadzora“,
- „UPOZORENJE - Koristite sigurnosne pojaseve čim vaše dijete počne samostalno sjediti“ (za kolica s nosilkama čija je unutrašnja dužina veća od 800 mm),
- „UPOZORENJE - Ne koristite sjedalo za djecu mlađu od šest mjeseci“ (za kolica koja nisu primjenjiva za djecu ispod 6 mjeseci),
- „UPOZORENJE - Uvijek koristite sigurnosne pojaseve“,
- oznaka i godina izdanja standarda (navodi se primjenjivi standard u zavisnosti od težine djeteta),

- dječija kolica s nosilkama moraju imati oznaku maksimalne visine madraca osim ako je madrac isporučen, u tom slučaju proizvođač mora jasno naznačiti da se ne smije dodavati dodatni madrac,
- maksimalna težina svakog djeteta sa sljedećim piktogramom:



➤ Da li je uputstvo za upotrebu priloženo uz proizvod?

Sljedeće informacije za potrošače moraju biti vidljive na mjestu prodaje:

- Maksimalna težina svakog djeteta u vidu pisane informacije ili piktograma (za djecu do 15 kg, slika gore);
- Maksimalna težina djeteta i godine svakog djeteta u vidu pisane informacije ili navedenog piktograma (za djecu do 22 kg ili 4 godine):
- „Upozorenje - Ovaj proizvod nije namijenjen za trčanje ili rolanje“;
- „Informacija: Proizvod namijenjen za dijete koje ne može samostalno sjediti i oslanjati se na svoje ruke i koljena. Maksimalna težina djeteta: 9 kg.“ (za kolica s nosilkama dužine do 800 mm).



Uputstvo za upotrebu mora biti priloženo uz dječija kolica i mora biti napisano na jednom od službenih jezika u Bosni i Hercegovini. Uputstvo mora sadržavati detaljna upozorenja: da se dijete nikada ne smije ostavljati bez nadzora, da su nosiljke, autosjedalice ili drugi dijelovi ispravno postavljeni na kolica, da su aktivirani uređaji za zaključavanje kolica, da se sigurnosni pojasevi uvijek trebaju koristiti i druga upozorenja. Uputstvo mora sadržavati informacije o težini svakog djeteta, načinu identifikacije proizvoda, sklapanju i rasklapanju kolica, uputstvo za sve funkcije kolica, provjeru, održavanje, čišćenje i druge informacije.

➤ Da li proizvod ima vidljivih sigurnosnih nedostataka (neusklađenosti)?

Prilikom kupovine dječijih kolica možete provjeriti sljedeće:

- dužina naslona za leđa na sjedalu dječijih kolica treba biti minimalno 380 mm,
- na dječijim kolicima se mora nalaziti sistem podesivih sigurnosnih pojaseva,
- širina trake sigurnosnog pojasa treba biti minimalno 19 mm,
- slobodna dužina uzica, vezica i drugih uskih tkanina treba biti najviše 220 mm,
- samoljepljive naljepnice se ne smiju nalaziti s unutrašnje strane dječijih kolica,
- svi rubovi, površine i izbočine su zaobljeni i bez neravnina i oštih rubova,
- dječija kolica moraju biti opremljena uređajem za parkiranje i kočenje.



Ukoliko potrošači primijete da dječija kolica koja su kupili imaju sigurnosne nedostatke i neusklađenosti u odnosu na gore navedene informacije, treba da se obrate Agenciji za nadzor nad tržištem Bosne i Hercegovine.

RUČNE ELEKTRIČNE VIBRACIONE BRUSILICE

SAVJETI PRILIKOM KUPOVINE

Prilikom kupovine ručnih električnih vibracionih brusilica savjetujemo potrošače da obrate pažnju na sljedeće:

➤ **Da li se na proizvodu nalaze obavezne oznake / informacije?**

Svaka mašina mora biti označena jasno i neizbrisivo sa minimalno:

- znak usklađenosti,
- naziv (ili zaštitni znak) i adresa proizvođača (ovlaštenog zastupnika),
- oznaka modela, serije ili tipa proizvoda,
- godina proizvodnje i serijski broj ako postoji,
- naznačeni (nazivni) napon ili raspon napona u voltima (V),
- simbol prirode napona (~ ili a.c.) ili nazivna frekvencija (Hz),
- nazivna snaga u vatima (W) ili nazivna struja u amperima (A),
- oznaka IP broja zavisno od stepena zaštite od prodora vlage,
- oznaka klase II konstrukcije (samo za ručnu električnu vibracionu brusilicu klase II).

Pored navedenih oznaka, svaka mašina mora imati i sljedeće upozorenje:

„UPOZORENJE: Radi smanjenja rizika od povreda, korisnik mora pročitati uputstvo za upotrebu“ ili za ovo može biti postavljen znak - piktogram



➤ **Da li je uputstvo za upotrebu priloženo uz proizvod?**

Uputstvo za upotrebu mora biti priloženo uz svaku ručnu električnu vibracionu brusilicu i napisano na jednom od jezika koji su u službenoj upotrebi u Bosni i Hercegovini. Uputstvo mora sadržavati najmanje sljedeće informacije:

- ponovljene podatke kojima je mašina označena izuzev serijskog broja,
- predviđenu upotrebu mašine,
- uputstva za sigurno: stavljanje u pogon, korištenje, rukovanje, sastavljanje i rastavljanje, podešavanje i održavanje (servisiranje i popravku).

Uputstvo mora sadržavati i informacije i opća sigurnosna upozorenja koja se odnose na sigurno radno područje, električnu sigurnost, ličnu sigurnost, korištenje, održavanje i servisiranje.

➤ **Da li proizvod ima vidljivih sigurnosnih nedostataka (neusklađenosti)?**

Prilikom kupovine ručne električne vibracione brusilice obratiti pažnju na sljedeće:

- ručna električna vibraciona brusilica treba biti tako zatvorena da se omogući odgovarajuća zaštita od slučajnog kontakta sa dijelovima pod naponom, a izvlačenje, uvlačenje ili uvrtnje napojnog kabla ne smije biti moguće,
 - dostupni dijelovi električne vibracione brusilice koji se mogu dotaknuti tokom normalne upotrebe ne smiju imati oštre ivice, neravnine ili vrhove da bi normalnim povlačenjem rukom ili prstom mogli izazvati povrede.
- Najčešći nedostatak koji je otkriven prilikom proaktivnog nadzora je bio da uz mašinu nije isporučeno uputstvo za upotrebu i sigurnosno uputstvo kao i prevod istih na jedan od službenih jezika Bosne i Hercegovine.



Ručna električna vibraciona brusilica je mašina za brušenje ili za poliranje, opremljena pločom koja obavlja kružno oscilirajuće kretanje paralelno na radnu površinu. To je alat namijenjen za uklanjanje površine materijala pomoću abrazivnog medija. Pored nepažljivog rukovanja, najčešće povrede nastaju usljed strujnog udara i mehaničkih vrsta povreda na rukama, prstima, očima i licu.

Ukoliko potrošači primijete da ručna električna vibraciona brusilica koju su kupili ima sigurnosne nedostatke i neusklađenosti u odnosu na gore navedene informacije, treba da se obrate Agenciji za nadzor nad tržištem Bosne i Hercegovine.

SAVJETI PRILIKOM KUPOVINE

Električni blenderi za hranu služe za usitnjavanje i miješanje hrane u domaćinstvima. Najčešći rizici kojima su izloženi korisnici ovih proizvoda su strujni udar, požar i posjekotine.

Prilikom kupovine električnih blendera savjetujemo potrošače da obrate pažnju na sljedeće:

➤ **Da li se na proizvodu nalaze obavezne oznake / informacije?**

- oznaka proizvođača ili njegove robne marke,
- znak usklađenosti u veličini i obliku propisanom u Aneksu III Naredbe o električnoj opremi namijenjenoj za upotrebu unutar određenih naponskih granica,
- vrijednost naznačenog napona ili raspona napona u voltima (V),
- vrijednost snage uređaja (W),
- oznaka prirode napona (~) ili frekvencije uređaja (Hz),
- oznaka klase zaštite.

➤ **Da li je uputstvo za upotrebu priloženo uz proizvod?**

Uputstvo za upotrebu mora biti priloženo uz proizvod i napisano na jednom od jezika koji su u službenoj upotrebi u Bosni i Hercegovini. Uputstvo mora sadržavati sve detalje potrebne za sigurnu instalaciju, korištenje i održavanje proizvoda.

Uputstvo za upotrebu električnih blendera mora u sebi da sadrži najmanje sljedeće elemente koji suštinom zadovoljavaju sljedeće izjave:

- Ne koristite uređaj za usitnjavanje materija za koje ovaj uređaj nije predviđen. Pazite se oštrica noža uređaja kad rukujete s njim, praznite posudu za hranu ili čistite uređaj;
- **UPOZORENJE:** Osigurajte da je poklopac blendera na svom mjestu prije korištenja uređaja;
- Koristite posudu uređaja samo sa njenim originalnim postoljem;
- Isključite uređaj iz utičnice prije svakog sklapanja, rasklapanja ili čišćenja;
- Uređaj ne smiju koristiti djeca. Držite uređaj van njihovog domašaja.

Uputstvo za upotrebu mora sadržavati podatke o čišćenju uređaja, a posebno dijelova uređaja koji dolaze u kontakt sa hranom.

➤ **Da li proizvod ima vidljivih sigurnosnih nedostataka (neusklađenosti)?**

Prilikom kupovine električnih blendera možete provjeriti sljedeće:

- Ne smije biti moguće dotaći oštre noževe u toku rada uređaja. Noževi uređaja moraju biti odgovarajuće pričvršćeni za posudu, tako da se ne mogu odvojiti od ležišta u toku rada uređaja;
- Na uređaju ne smiju biti dostupni dijelovi pod naponom. Također, na uređaju ne smije biti ni dijelova koji se mogu ukloniti bez upotrebe alata, a čijim uklanjanjem postaju dostupni dijelovi pod naponom;
- Spoj između napojnog kabla i utikača, te kabla i tijela uređaja, mora biti odgovarajuće učvršćen (tzv. „sidro”);
- Uređaj mora imati odgovarajuću mehaničku čvrstoću i stabilnost.



Ukoliko potrošači primijete da električni blender za hranu koji su kupili ima sigurnosne nedostatke i neusklađenosti u odnosu na gore navedene informacije, treba da se obrate Agenciji za nadzor nad tržištem Bosne i Hercegovine.

ELEKTRIČNI MIKSERI ZA HRANU

SAVJETI PRILIKOM KUPOVINE

Prilikom kupovine električnih miksera savjetujemo potrošače da obrate pažnju na sljedeće:

➤ **Da li se na proizvodu nalaze obavezne oznake / informacije?**

- oznaka proizvođača ili njegove robne marke,
- znak usklađenosti u veličini i obliku propisanom u Aneksu III Naredbe o električnoj opremi namijenjenoj za upotrebu unutar određenih naponskih granica,
- vrijednost naznačenog napona ili raspona napona u voltima (V),
- vrijednost snage uređaja (W),
- oznaka prirode napona (~) ili frekvencije uređaja (Hz),
- oznaka klase zaštite.

➤ **Da li je uputstvo za upotrebu priloženo uz proizvod?**

Uputstvo za upotrebu mora biti priloženo uz proizvod i napisano na jednom od jezika koji su u službenoj upotrebi u Bosni i Hercegovini. Uputstvo mora sadržavati sve detalje potrebne za sigurnu instalaciju, korištenje i održavanje proizvoda.

Uputstvo za upotrebu električnih miksera mora u sebi da sadrži najmanje sljedeće elemente koji suštinom zadovoljavaju sljedeće izjave:

- Ne koristite uređaj za usitnjavanje materija za koje ovaj uređaj nije predviđen. Pazite se oštrica noža uređaja kad rukujete s njim, praznite posudu za hranu ili čistite uređaj;
- Isključite uređaj iz utičnice prije svakog sklapanja, rasklapanja ili čišćenja;
- Uređaj ne smiju koristiti djeca. Držite uređaj van njihovog domašaja.

Uputstvo za upotrebu mora sadržavati podatke o čišćenju uređaja, a posebno dijelova uređaja koji dolaze u kontakt sa hranom.

➤ **Da li proizvod ima vidljivih sigurnosnih nedostataka (neusklađenosti)?**

Prilikom kupovine električnih miksera možete provjeriti sljedeće:

- Uređaj ne smije imati oštre mutilice (noževe) ili te oštrice moraju biti zaštićene;
- Ne smije biti moguće, pritiskom na dugme ili na drugi način, otpustiti mutilice uređaja u toku rada;
- Na uređaju ne smiju biti dostupni dijelovi pod naponom. Također, na uređaju ne smije biti ni dijelova koji se mogu ukloniti bez upotrebe alata, a čijim uklanjanjem postaju dostupni dijelovi pod naponom;
- Spoj između napojnog kabela i utikača, te kabela i tijela uređaja, mora biti odgovarajuće učvršćen (tzv. „sidro”);
- Uređaj mora imati odgovarajuću mehaničku čvrstoću i stabilnost.



Električni mikseri za hranu služe za usitnjavanje i miješanje hrane u domaćinstvima. Najčešći rizici kojima su izloženi korisnici ovih proizvoda su strujni udar, požar i posjekotine.

Ukoliko potrošači primijete da električni mikser za hranu koji su kupili ima sigurnosne nedostatke i neusklađenosti u odnosu na gore navedene informacije, treba da se obrate Agenciji za nadzor nad tržištem Bosne i Hercegovine.

SAVJETI PRILIKOM KUPOVINE

Električni štapni blenderi za hranu služe za usitnjavanje i miješanje hrane u domaćinstvima. Najčešći rizici kojima su izloženi korisnici ovih proizvoda su strujni udar, požar i posjekotine.

Prilikom kupovine štapnih blendera savjetujemo potrošače da obrate pažnju na sljedeće:

➤ **Da li se na proizvodu nalaze obavezne oznake / informacije?**

- oznaka proizvođača ili njegove robne marke,
- znak usklađenosti u veličini i obliku propisanom u Aneksu III Naredbe o električnoj opremi namijenjenoj za upotrebu unutar određenih naponskih granica,
- vrijednost naznačenog napona ili raspona napona u voltima (V),
- vrijednost snage uređaja (W),
- oznaka prirode napona (~) ili frekvencije uređaja (Hz),
- oznaka klase zaštite.

➤ **Da li je uputstvo za upotrebu priloženo uz proizvod?**

Uputstvo za upotrebu mora biti priloženo uz proizvod i napisano na jednom od jezika koji su u službenoj upotrebi u Bosni i Hercegovini. Uputstvo mora sadržavati sve detalje potrebne za sigurnu instalaciju, korištenje i održavanje proizvoda.

Uputstvo za upotrebu štapnih blendera mora u sebi da sadrži najmanje sljedeće elemente koji suštinom zadovoljavaju sljedeće izjave:

- Ne koristite uređaj za usitnjavanje materija za koje ovaj uređaj nije predviđen. Pazite se oštrica noža uređaja kad rukujete s njim, praznite posudu za hranu ili čistite uređaj;
- Isključite uređaj iz utičnice prije svakog sklapanja, rasklapanja ili čišćenja;
- Uređaj ne smiju koristiti djeca. Držite uređaj van njihovog domašaja.

Uputstvo za upotrebu mora sadržavati podatke o čišćenju uređaja, a posebno dijelova uređaja koji dolaze u kontakt sa hranom.

➤ **Da li proizvod ima vidljivih sigurnosnih nedostataka (neusklađenosti)?**

Prilikom kupovine štapnih blendera možete provjeriti sljedeće:

- Oštrice uređaja moraju biti zaštićene odozgo tako da tokom rada uređaja ne može doći do eventualnog kontakta između oštrica i drugih površina i objekata osim hrane;
- Ne smije biti moguće, pritiskom na dugme ili na drugi način, otpustiti mutilice uređaja u toku rada;
- Na uređaju ne smiju biti dostupni dijelovi pod naponom. Također, na uređaju ne smije biti ni dijelova koji se mogu ukloniti bez upotrebe alata, a čijim uklanjanjem postaju dostupni dijelovi pod naponom;
- Spoj između napojnog kabla i utikača, te kabla i tijela uređaja, mora biti odgovarajuće učvršćen (tzv. „sidro”);
- Uređaj mora imati odgovarajuću mehaničku čvrstoću i stabilnost.



Ukoliko potrošači primijete da električni štapni blender za hranu koji su kupili ima sigurnosne nedostatke i neusklađenosti u odnosu na gore navedene informacije, treba da se obrate Agenciji za nadzor nad tržištem Bosne i Hercegovine.

PRODUŽNI KABLOVI ZA UPOTREBU U DOMAĆINSTVU

SAVJETI PRILIKOM KUPOVINE

Prilikom kupovine produžnih kablova za upotrebu u domaćinstvu savjetujemo potrošače da obrate pažnju na sljedeće:

➤ **Da li se na proizvodu nalaze obavezne oznake / informacije?**

- oznaka proizvođača ili njegove robne marke,
- znak usklađenosti,
- vrijednost naznačenog napona u voltima (V),
- vrijednost naznačene struje u amperima (A),
- vrijednost maksimalne snage u vatima (W),
- oznaka prirode napona (~) ili frekvencije (Hz),
- oznaka klase zaštite (ukoliko je različita od klase I).

➤ **Da li je uputstvo za upotrebu priloženo uz proizvod?**

Bilo kakva vrsta uputstva za upotrebu koje se dostavlja uz produžni kabl mora biti napisano na jednom od službenih jezika u upotrebi u Bosni i Hercegovini. Uputstvo mora sadržavati sve detalje potrebne za sigurno korištenje i održavanje proizvoda.

➤ **Da li proizvod ima vidljivih sigurnosnih nedostataka (neusklađenosti)?**

Prilikom kupovine produžnih kablova možete provjeriti sljedeće:

- Spoj između utikača i napojnog kabla, te kabla i kutije sa utičnicama mora biti odgovarajuće učvršćen (tzv. „sidro”) tako da nije moguće izvlačenje i kidanje kabla na ovim spojevima;
- Utičnice produžnog kabla treba da budu opremljene zaštitnim zatvaračima. Zaštitni zatvarači su sigurnosni mehanizam koji onemogućava umetanje stranih tijela u otvore utičnice. Mehanizam se aktivira isključivo istovremenim pritiskom kontaktnih igli utikača, čime se smanjuje rizik od slučajnog dodira dijelova pod naponom i povećava nivo sigurnosti korisnika, a posebno djece.

Produžni kabl služi prvenstveno da električne uređaje spoji na utičnicu u slučajevima kada originalni kabl uređaja ne dopire do zidne utičnice. Zastupljen je proizvod u svim domaćinstvima. Može da predstavlja rizik od požara i strujnog udara po korisnika.



Ukoliko potrošači primijete da produžni kabl koji su kupili ima sigurnosne nedostatke i neusklađenosti u odnosu na gore navedene informacije, treba da se obrate Agenciji za nadzor nad tržištem Bosne i Hercegovine.

OBRAZAC ZA PRIGOVOR POTROŠAČA

Ukoliko ste kupili neprehrambeni potrošački proizvod i imate prigovor na njegove sigurnosne karakteristike, možete kontaktirati Agenciju za nadzor nad tržištem Bosne i Hercegovine, telefonskim ili elektronskim putem pomoću Obrasca za prigovor potrošača.

UPUTSTVO ZA POPUNJAVANJE OBRASCA

1. Po mogućnosti popuniti sve tražene lične podatke. Ostavljena je mogućnost podnošenja anonimne prijave, pri čemu se moraju popuniti samo polja označena sa * (obavezna polja).
2. Navesti sve raspoložive podatke neophodne za identifikaciju proizvoda, i to: naziv proizvoda i proizvođača, trgovačka marka, tip/model, serijski broj, zemlja porijekla, godina proizvodnje, ovlašteni uvoznik, distributer ili zastupnik.
3. Navesti opasnosti/rizike i posljedice po zdravlje koje je izazvao proizvod, npr. posjekotine, ogrebotine, strujni udar, alergijska reakcija, gušenje i druge povrede.
4. Navesti podatke o prodajnom mjestu gdje je proizvod kupljen.

1. Podaci o podnosiocu prigovora
Ime i prezime

2. Ulica i broj

3. Mjesto stanovanja *

4. Entitet / Brčko Distrikt BiH *

5. Kanton *

6. Telefon / Faks

7. E-mail

8. Podaci o proizvodu
Naziv proizvoda (npr. tip ili model, serijski broj) *

9. Sadržaj prigovora
Opis rizika / opasnosti i posljedica po zdravlje koji su nastali usljed korištenja proizvoda *

10. Naziv prodajnog mjesta *

11. Adresa prodajnog mjesta *

12. Entitet / Brčko Distrikt BiH *


13. Datum podnošenja prigovora

Submit

REZULTATI NADZORA NAD TRŽIŠTEM U 2025. GODINI

U okviru aktivnosti proaktivnog nadzora nad tržištem realizovano je 140 inspekcijskih kontrola, u okviru kojih su administrativno, vizuelno i laboratorijski kontrolisana 132 različita modela proizvoda od čega 74 modela (56 %) nije ispunjavalo propisane sigurnosne zahtjeve. Kao rezultat navedenih aktivnosti, sa tržišta je povučeno 5180 komada proizvoda od čega je 4108 komada uništeno. Poslovni subjekti su, dobrovoljno ili po nalogu inspekcijskih organa, uskladili 8372 komada sa propisanim sigurnosnim zahtjevima.

U okviru aktivnosti reaktivnog nadzora nad tržištem pokrenuto je 37 predmeta. Od ukupnog broja pokrenutih predmeta, u 29 slučajeva je utvrđeno da se neusklađeni predmetni proizvodi nalaze na tržištu Bosne i Hercegovine. Kao rezultat ovih aktivnosti, 426 komada je usklađeno sa propisanim sigurnosnim zahtjevima, izvršen je povrat 67 komada od potrošača, sa tržišta je povučeno 4346 komada nesigurnih proizvoda, od čega je uništeno 2250 komada.



- Ukupan broj neusklađenih proizvoda
- Broj proizvoda kod kojih su otklonjene neusklađenosti
- Broj proizvoda povučenih sa tržišta i vraćenih od potrošača

Grupa proizvoda		Ukupan broj neusklađenih proizvoda	Broj proizvoda kod kojih su otklonjene neusklađenosti	Broj proizvoda povučenih sa tržišta i vraćenih od potrošača
PROAKTIVNI NADZOR	Igračke (ftalati)	802	0	802
	Ručne električne vibracione brusilice	126	119	7
	Igračke pištolji s mecima	2499	321	2178
	Laserski proizvodi	128	0	128
	Držači za cucle	1475	1449	26
	Dječija kolica (za djecu od 0 do 22 kg)	411	361	50
	Električni blenderi za hranu	167	0	167
	Električni mikseri za hranu	264	0	264
	Električni štapni blenderi za hranu	24	24	0
	Produžni kablovi za upotrebu u domaćinstvu	339	0	339
	Svjetlosni lanci	237	0	237
	CEFTA zajednička akcija - električni proizvodi	72	0	72
	Zaštitna / sigurnosna obuća	187	85	102
	Zaštitne rukavice za mehaničke rizike	6821	6013	808
	Elastične trake za hidroizolaciju	0	0	0
	Termoizolacioni proizvodi za zgrade	0	0	0
	UKUPNO PROAKTIVNI NADZOR	13552	8372	5180
	REAKTIVNI NADZOR	4839	426	4413
	UKUPNO	18391	8798	9593

REZULTATI NADZORA NAD TRŽIŠTEM U 2025. GODINI

GRUPE PROIZVODA SA OZBILJNIM RIZIKOM ZA POTROŠAČE


Kao rezultat provođenja proaktivnog i reaktivnog nadzora nad tržištem u 2025. godini, na tržištu Bosne i Hercegovine je pronađeno 60 modela nesigurnih proizvoda koji su predstavljali ozbiljan rizik za potrošače:



VRSTE RIZIKA


Kod 60 modela proizvoda sa ozbiljnim rizikom za potrošače, utvrđene su sljedeće vrste rizika:

- rizik od strujnog udara i požara
- rizik od povreda
- rizik od gušenja
- rizik od povrede oka i oštećenja vida
- hemijski rizik
- rizik od požara i opekotina
- rizik od povreda, požara i strujnog udara
- rizik od požara i povreda
- rizik od utapanja



PORIJEKLO PROIZVODA SA OZBILJNIM RIZIKOM

Analizom rezultata proaktivnog i reaktivnog nadzora iz 2025. godine, ustanovljeno je da najviše nesigurnih proizvoda sa ozbiljnim rizikom za potrošače - 47 modela ili 78%, vodi porijeklo iz Kine.



PROIZVODI SA OZBILJNIM RIZIKOM ZA POTROŠAČE

U nastavku je dat pregled proizvoda koji predstavljaju ozbiljan rizik za potrošače, a koji su bili predmet nadzora u 2025. godini. Zbog izrazito loših rezultata, nadzor pojedinih grupa tih proizvoda će se ponoviti.

Dječija trampolina 140 cm predstavlja rizik od povreda jer se podstava koja prekriva opruge trampoline može pomaknuti iz svog početnog položaja, otkrivajući opruge i rupe između svake opruge. Osim toga, trampolina je nestabilna i može se lako prevrnuti i zaštitna mreža je preniska. Zemlja porijekla: Španija



Dječiji krevetić Kikka boo MATEA NAVY predstavlja rizik od gušenja i uklještenja dijelova tijela djeteta. Zemlja porijekla: Bugarska



Dječiji drveni krevetić DREWEX Žirafa bež predstavlja rizik od povreda jer sistem zaključavanja na pokretnoj strani krevetića ne ispunjava zahtjeve u najnižem položaju, postoje dostupne praznine na pokretnoj strani krevetića na kojima bi dijete moglo da se povrijedi. Krevetić ima oštre dostupne ivice na plastičnom poklopcu na gornjoj ivici pokretne strane. Zemlja porijekla: Poljska



Dječija kolica kišobran Grey Basic Kathie predstavljaju rizik od povrede jer sistem za vezanje ne posjeduje međunožnu vezu. Zemlja porijekla: Kina



Dječija kolica u 4 boje AD23-0175 predstavljaju rizik od povrede jer sistem za vezanje ne posjeduje međunožnu vezu. Zemlja porijekla: Kina



Stolica GADSTRUP dining chair predstavlja rizik od povreda jer se može deformisati što može uzrokovati pad korisnika. Zemlja porijekla: Kina



PROIZVODI SA OZBILJNIM RIZIKOM ZA POTROŠAČE

Štitnici za rolanje Firefly Leisureline 2.0 i Firefly Leisureline Jr. 2.0 predstavljaju rizik od povreda jer je raspon istezanja umjetnog zgloba prevelik i ne pruža očekivani nivo zaštite.

Zemlja porijekla: Kina



Pojas za penjanje PETZL SWAN EASYFIT predstavlja rizik od povreda jer koristi nesigurne FAST LT kopče za zatvaranje pojasa, postavljene na stražnjem dijelu, i koje se u toku normalne upotrebe mogu slomiti, što može dovesti do otvaranja pojasa i pada korisnika sa visine.

Zemlja porijekla nepoznata.



Pojas za penjanje Petzl NEWTON predstavlja rizik od povreda jer ima nesigurnu FAST LT kopču za pričvršćivanje pojasa koja se nalazi na prsima i koja se u toku normalne upotrebe može slomiti, što može dovesti do otvaranja pojasa i pada korisnika sa visine.

Zemlja porijekla nepoznata.



Oprema za penjanje MAMMUT SKYWALKER predstavlja rizik od povreda jer je čvrstoća proizvoda neadekvatna - karabiner se može otvoriti silom manjom od 1 kN što može dovesti do odvajanja penjača od sigurnosnog užeta i pada sa visine.

Zemlja porijekla: Kina



Cucla set 2/1 orthodontic no2 predstavlja rizik od gušenja zbog mogućnosti odvajanja sitnih dijelova koje dijete može staviti u usta.

Zemlja porijekla: Turska



Lančić za cuclе Wee baby predstavlja rizik od gušenja jer ne ispunjava zahtjeve propisane u tački 5.1.2 standarda BAS EN 12586+A1:2012.

Zemlja porijekla: Turska



Držać za cuclе – vezica za cuclu predstavlja rizik od gušenja jer ne ispunjava sigurnosne zahtjeve koji se odnose na maksimalnu dužinu držača.

Zemlja porijekla: Bosna i Hercegovina



PROIZVODI SA OZBILJNIM RIZIKOM ZA POTROŠAČE

Igračke s mecima predstavljaju rizik od gušenja jer zahtjevi vezani za ispitivanje na zatezanje za projektil bez pjene nisu u skladu sa standardom BAS EN 71-1+A1:2019.

Igračka puška s mecima
DINOSAUR WORLD FUNNY GAME
Zemlja porijekla: Kina



Igračka pištolj sa mecima
2/1 VACUUM BL.LX0536991
Zemlja porijekla: Kina



Igračka policijski set
DUCK BL.502-24
Zemlja porijekla: Kina



Maska FELT MASK HALLOWEEN PLU 611118 predstavlja rizik od gušenja jer je plastika ambalaže previše tanka i dijete može prekriti usta i nos.
Zemlja porijekla: Kina



Mekana igračka Cuddly toy predstavlja rizik od gušenja jer ima izbočene dijelove (drveni prsten) koje malo dijete može staviti u usta.
Zemlja porijekla: Kina



Lutka SKU 33042101 MOYA MIA predstavlja rizik od gušenja jer se kosa s lutke lako odvaja s glave.
Zemlja porijekla: Kina



Kačket za bebe dječake BB FROTTE CAP BLUE (PLU 603500) predstavlja rizik od gušenja zbog mogućnosti odvajanja sitnih dijelova.
Zemlja porijekla: Kina



Bomber jakna za bebe – dječake PLU 614536 predstavlja rizik od gušenja zbog mogućnosti odvajanja sitnih dijelova.
Zemlja porijekla: Kina



Mišići za plivanje Intex Dinosaur 56664EU predstavlja rizik od utapanja jer imaju izbočeni dio koji se u toku plivanja može zaglaviti.
Zemlja porijekla: Kina



PROIZVODI SA OZBILJNIM RIZIKOM ZA POTROŠAČE

Igračka lutka Sparkle girl Charm girls predstavlja hemijski rizik jer sadrži ftalate u količini većoj od dozvoljene.
Zemlja porijekla: Kina



Lutka Beauty Fashion and Lovely Girl - Ken predstavlja hemijski rizik jer sadrži ftalate u količini većoj od dozvoljene.
Zemlja porijekla: Kina



Baloni u obliku srca PLU 599441 predstavljaju hemijski rizik zbog prekoračenja dopuštenog sadržaja N-nitrozamina u materijalu balona.
Zemlja porijekla: Kina



Dječija igračka - Patka predstavlja hemijski rizik jer sadrži ftalate u količini većoj od dozvoljene.
Zemlja porijekla: Kina



Cuclo Curaprox lot 006, 007, 008, 009, 010 i 011 predstavlja hemijski rizik jer plastični dio cucle može sadržavati Bisfenol A (BPA), supstancu koja je klasifikovana kao potencijalno štetna za zdravlje, dok je mekani silikonski dio cucle zdravstveno ispravan.
Zemlja porijekla: Kina



Tuš za oči Wet n Wild Proline Felt Tip Eyeliner (E8752) predstavlja hemijski rizik jer koncentracija pigmenta boje ugljik crni (CI 77266, nano) u proizvodu, koja iznosi 11,5%, prelazi maksimalno dopuštenu koncentraciju od 10%.
Zemlja porijekla: Kina



PROIZVODI SA OZBILJNIM RIZIKOM ZA POTROŠAČE

Dječija svjetiljka Mass-Light, PUPPY ML-15031-1T predstavlja rizik od strujnog udara i požara zato što nije ispravno konstruisana, odnosno nema zaštitni transformator.

Zemlja porijekla: Kina



Dječija svjetiljka La lampada dei Campioni, Car Azuro predstavlja rizik od strujnog udara i požara zato što nije ispravno konstruisana, odnosno nema zaštitni transformator i površina poprečnog presjeka provodnika u napojnom kablju je manja od minimalno dozvoljene.

Zemlja porijekla: Kina



Dječija svjetiljka Nova Rico (globus LED) predstavlja rizik od strujnog udara i požara zato što nije ispravno konstruisana, odnosno nema zaštitni transformator.

Zemlja porijekla: Italija



Dječija svjetiljka DY23489 predstavlja rizik od strujnog udara i požara jer nije ispravno konstruisana, odnosno nema zaštitni transformator.

Zemlja porijekla: Kina



Svjetlosni lanac - providne svjetiljke u obliku cvijeta predstavlja rizik od strujnog udara i požara jer je dužina napojnog kablja između utikača i prve svjetiljke manja od minimalno dozvoljene i proizvod je nedozvoljene klase izolacije.

Zemlja porijekla: Kina



Svjetlosni lanac - bijele svjetiljke u obliku cvijeta predstavlja rizik od strujnog udara i požara jer je dužina napojnog kablja između utikača i prve svjetiljke manja od minimalno dozvoljene i proizvod je nedozvoljene klase izolacije.


Zemlja porijekla: Kina



PROIZVODI SA OZBILJNIM RIZIKOM ZA POTROŠAČE


Svjetlosni lanac LED Waterproof Light predstavlja rizik od strujnog udara i požara jer je dužina napojnog kabla između utikača i prve svjetiljke manja od minimalno dozvoljene i proizvod je nedozvoljene klase izolacije.

Zemlja porijekla: Kina



Svjetlosni lanac - svjetiljke u obliku zvona predstavlja rizik od strujnog udara i požara jer je dužina napojnog kabla između utikača i prve svjetiljke manja od minimalno dozvoljene i proizvod je nedozvoljene klase izolacije.

Zemlja porijekla: Kina



Produžni kabl sa četiri utičnice Arkgiac 003 predstavlja rizik od strujnog udara i požara jer se može otvoriti pomoću alata opće namjene, utičnice nemaju zatvarače, površina poprečnog presjeka provodnika je manja od propisane i nazivna struja utikača je manja od nazivne struje utičnice.

Zemlja porijekla: Kina



Produžni kabl sa tri utičnice Megan predstavlja rizik od strujnog udara i požara jer nema kontakata za uzemljenje, može se otvoriti pomoću alata opće namjene, utičnice nemaju zatvarače, površina poprečnog presjeka provodnika je manja od propisane i nazivna struja utikača je manja od nazivne struje utičnice.

Zemlja porijekla: Turska



Produžni kabl sa četiri utičnice 6784 predstavlja rizik od strujnog udara i požara jer dimenzije utičnica nisu u skladu sa standardnim vrijednostima, ne postoji provodnik za uzemljenje, utičnice nemaju zatvarače, nije ostvareno adekvatno učvršćenje napojnog kabla sa kutijom sa utičnicama, nije ostvarena adekvatna otpornost na zagrijavanje u normalnom radu, površina poprečnog presjeka provodnika u kablju nije u skladu sa propisanim vrijednostima i nije ostvaren minimalan rastavni razmak između provodnih dijelova.

Zemlja porijekla: Kina



PROIZVODI SA OZBILJNIM RIZIKOM ZA POTROŠAČE

Uvijač za kosu, Aurel CDA-2215-YR-306 predstavlja rizik od strujnog udara i požara jer je površina poprečnog presjeka provodnika u napojnom kablju manja od minimalno dozvoljene i ulazna snaga uvijača za kosu nije u propisanim granicama.

Zemlja porijekla: Kina



Putni fen za kosu Iskra RH-1558-1BL predstavlja rizik od strujnog udara zbog neadekvatnog materijala kućišta, pa se proizvod može pregrijati čime dolazi do propadanja izolacije, a provodni dijelovi uređaja postaju dostupni korisniku.

Zemlja porijekla: Kina



Fen za kosu Babyliss D563DE predstavlja rizik od požara i opekotina jer je utvrđeno da se fen za kosu prilikom upotrebe može pregrijati i zapaliti.

Zemlja porijekla: Kina



Usisivač FG ElectronicsFJ-116 predstavlja rizik od požara i opekotina jer je utvrđeno da se usljed korištenja usisivača komponente usisivača mogu prekomjerno zagrijavati.

Zemlja porijekla: Kina



Kružna pila Iskra GX-MC010B-2 predstavlja rizik od povreda jer zaštitni sistem kružne pile može otkazati pa oštrica pile može postati izložena tokom upotrebe.

Zemlja porijekla: Kina



Sušilice veša Hisense DH5S102BW i DH5S102BB predstavljaju rizik od požara i opekotina jer žice kompresora mogu biti oštećene zbog kontakta s pomoćnim točkom bubnja što može dovesti do pregrijavanja.

Zemlja porijekla: Kina



PROIZVODI SA OZBILJNIM RIZIKOM ZA POTROŠAČE

Blender za hranu RSD-886 predstavlja rizik od strujnog udara, požara i povreda jer je ulazna snaga uređaja znatno veća od propisane, ispitna sonda dodiruje oštrice uređaja, uređaj je moguće pokrenuti kada su oštrice dostupne i površina poprečnog presjeka provodnika je znatno manja od propisane.

Zemlja porijekla: Kina



Blender za hranu Raf R.2822B predstavlja rizik od strujnog udara, požara i povreda jer mehanizam zaključavanja poklopca blendera nije odgovarajuće konstrukcije, aparat posjeduje otvore kroz koje tečnost može prodrijeti i površina poprečnog presjeka provodnika je znatno manja od propisane.

Zemlja porijekla: Kina



Ručni mikser za hranu Raf R.6653W predstavlja rizik od požara i povreda jer je površina poprečnog presjeka provodnika manja od propisane.

Zemlja porijekla: Kina

Blender za hranu Vox TM-6008 predstavlja rizik od povreda jer mehanizam zaključavanja poklopca blendera nije odgovarajuće konstrukcije.

Zemlja porijekla: Kina

Ručni mikser za hranu Raf R.6629 predstavlja rizik od požara i povreda jer je površina poprečnog presjeka provodnika manja od propisane.

Zemlja porijekla: Kina



PROIZVODI SA OZBILJNIM RIZIKOM ZA POTROŠAČE

Laserski proizvodi predstavljaju rizik od povrede oka i oštećenja vida jer im je izmjerena srednja snaga laserskog snopa veća od dozvoljene.

Laserski uređaj Laser Stage Lighting.
Zemlja porijekla nepoznata.



Laserska igračka pištolj Airsoft gun 007A.
Zemlja porijekla: Kina



Laserski pokazivač 47.
Zemlja porijekla: Kina



Laserska igračka snajper puška VIKTOR.
Zemlja porijekla: Kina



Laserski pokazivač ključ za vozilo.
Zemlja porijekla nepoznata.



Laserski pokazivač na privjesku.
Zemlja porijekla nepoznata.



Laserski uređaj Laser indoor laser projector.
Zemlja porijekla: Kina



Laserski pokazivač u obliku ručne bombe.
Zemlja porijekla: Kina



Laserski pokazivač.
Zemlja porijekla: Kina



Agencija za nadzor nad tržištem Bosne i Hercegovine

Adresa: Trg Ilidžanske brigade 2b, 71124 Istočno Sarajevo

Tel.: +387 (0)57 340 718

Faks: +387 (0)57 343 502

E-mail: msa.info@annt.gov.ba

www.annt.gov.ba

www.facebook.com/ANNTBIH

www.x.com/ANNTBIH



ISSN 2303-5439